

Powšitkowne WOZJEWJENJA

njedźelu, Swjateje Trojicy, 12. junija 2022

Wusyłanje Božeje mše

Serbskorěčnu Božu mšu móža wěriwi tutu njedźelu, Swjateje Trojicy, 12. junija, w 9 hodź. z Chrósćic jako livestream scěhować. Link na nju je w interneće pod www.posol.de a na wosadnej stronje podaty.

Wulět samostejacych

Wulět samostejacych ze serbskich wosadow budže wutoru, 21. junija, a powjedže do Wechselburga. Zajimcy njech so hač do pónđzele, 13. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja. Na wulět su tež či přeprošeni, kotřiž njejsu so dotal hišće na zetkanjach w Smochćicach wobdžělili.

Kemše na Bože čěło

Na swjedženju Božeho čěła, štwórtk, 16. junija, budu w Róžeńće kemše w serbskej rěči. Wone zahaja so w 19 hodź.

Za wosadny wulět hišće swobodne městna

Za wulět Radworskeje wosady wot pjatka do njedzele, 8. do 10. julija, je hišće šěsć městnow swobodnych. Mjez druhim je sobota, 9. julija, wopyt pasionskich hrow w Oberammergauje planowany. Zajimcy móža so pola Šmitec wozydłownistwa w Radworju přizjewić, telefonowe čisło (03 59 35) 28 60.

Duchowna hudźba

W Budyskej tachantskej cyrkwi zaklinči tutu njedźelu, 12. junija, we 18 hodź. duchowna hudźba, mjez druhim z twórbami Johanna Sebastiana Bacha a Josepha Rheinbergera. Tute předstaja we Wróclawju skutkowacej Piotr Rojek, profesor Hudźbneje akademije a dekan instrumentalneho wotrjada, kaž tež Marcin Danilewski, koncertowy mišter tamnišeho symfonijowego orchestra Narodneho hudźbneho foruma. Wšitcy su wutrobnje přeprošeni. Zastup je darmotny, wo dary so prosy.

Předstajenje oratorija „Podlěčo“

Cyrkwinski chór Lubijsko-Žitawskeje eforije a chór Budyšin předstajitej pod nawodom cyrkwinškeho hudźbneho direktora Christiana Kühne z Lubija trójce oratorij „Podlěčo“. Prěnje předstajenje budže tutu njedźelu, 12. junija, w 14.30 hodź. we wobłuku cyrkwinškeho dnja w Bukecach. Dalšej koncertaj scěhujetej sobotu, 2. julija, w Kettlicach a njedźelu, 3. julija, w Žitawje.

Do Medźugorja hišće swobodne městna

Za putnisku jězbu wot soboty do soboty, 22. do 29. oktobra, do Medźugorja su hišće přizjewjenja móžne. Tute přijimuje Gerat Róbl w Smjerdźacej, telefonowe čisło (03 57 96) 9 65 40.

Ministrantska kopańca

Koparski turněr ministrantow ze serbskich wosadow budže sobotu, 9. julija, w Pěskecach. Započatk je w 9.00 hodź. z Božej mšu we wjesnej kapalce.

Pytaja hladarku abo hladarja

Hornjołužiski zwjazk Carity z.t. pyta za ambulantnu službu w Kamjencu bórzomnje hladarku abo hladarja. Tydženski džělowy čas wučinja 30 hodžin. Požadanja přijimuju z mejlku na s.scholz@caritas-oberlausitz.de. Nadrobniše informacije poda nawodnica hladanskeho teama Sylvia Scholz, telefonowe čisło (03 59 1) 49 82 88.

Putniska jězba do Kölna a wokoliny

Na serbsku busowu jězbu z duchownym přewodom wot njedzele do štwórtka, 9. do 13. oktobra, přepróšuje Radworske Šmitec busowe wozydłownistwo. Z Königswintera wuchadžejo wopytaja Köln, Bonn, klóšter Steinfeld a dadža so wot Eifelskeje krajiny nad Rynom zakuzlać. Přizjewjenja přijimuje Šmitec wozydłownistwo, telefonowe čisło (03 59 35) 28 60. *farar Gerat Warnar*

Filmowe rozpominanje

Pod hesłom „Wěšće, rozsud swědomja, radikalnje – ludžo w rozsudže“ přepróšuje Smochčanske kubłanišćo swjateho Bena wot srjedy do njedzele, 22. do 26. junija, na dny rozpominanja z filmom. Přizjewjenja přijimuju hač do tuteje njedzele, 12. junija. Link z nadrobnišimi informacijemi je pod www.posol.de wozjewjeny.

Łužica pomha Ukrainje

Towarstwo Cyrila a Metoda z.t. (TCM) hromadži ze swojej akciju „Łužica pomha“ dale pjenježne dary za ukrajskich čekancow w Pólskej, kotraž dóstanje Caritas w Elku. Jeje direktor a dołholětny partner TCM, prelat dr. Dariusz Kruczyński, je zwuraznił, zo pomhaja jim najbóle pjenježne dary. Trěbne twory za čekancow tam kupja. Wot měrcja je TCM Cariće w Elku 37.000 eurow přepokazało. Štóž chcył domapytanu ludnosć podpěrać, njech přepokaza pjenjezy na konto: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóž sej darowansku kwitowanku přeje, měł swoju adresu podać.

Biskopstwowe chórowe putnikowanje

Cecilijowy zwjazk w Drježdžansko-Mišnjanskim biskopstwje přepróšuje wšitkich spěwarjow chórow kaž tež hłowno- a čestnohamtskich cyrkwinskih hudźbnikow na lětuše biskopstwowe chórowe putnikowanje. Jězba pod hesłom „Jubilate Deo omnes cantores – Wy spěwarjo wšitcy, chwalće Knjeza“ je planowana wot štwórtka do pónđzele, 29. septembra do 3. oktobra, do Trier a wokoliny.

Zo móhło so zhromadne spěwanje tež derje radzić, su regionalne probowe dny planowane. Wone wotměja so mjez druhim sobotu, 25. junija, wot 9.30 do 12.30 hodź., w centrumje wosady swjateho Pětra w Drježdžanach-Strěžinje a sobotu, 10. septembra, wot 9.30 do 12.30 hodź., w centrumje wosady Swjateje swójby w Drježdžanach-Zschachwitzu. Přizjewjenja přijimujetaj regionalny kantor Stephan Thamm, z mailku na regionalkantordresden@bddmei.de abo cyrkwinski hudźbnik Marco Gulde pod adresu marco.gulde@pfarrei-bdmei.de. Za proby trjebaja wobdźělnicy chórowy zešiwk, kotryž dóstanu wot chórowych nawodow abo pola diakona Matthiasa Taucherta, docpějomy pod mailowej adresu matthias.tauchert@pfarrei-bddmei.de